



# BARINGKUAS

REBOLUSIONARIO A DIARIO TI UMILI ITI CAGAYAN VALLEY

TAWEN 1999 BLG 1

ISYU ITI ENERO - MARSO 1998

## LINAON

**EDITORIAL:** Dagiti tulbek  
a rebbengen tapno  
makaabante iti dadakkel .2

**AGDAMA A KASASAAD:**  
Krisis ditoy, krisis dita,  
kasta latta't biag dagiti  
masa

**ARMADO A DANGADANG:**  
Nailaksidtayon ti madi a  
linia ti "SCO", ngem apay  
a nabontog latta't  
panagabantetayo? 6

**IMPERIALISMO:**  
Sangagasut a tawenen a  
lablabanantayo ti  
imperialismo a U.S.

## DAMDAMAG

**SEKSION YBANAG:**  
Mekannam nga Parte na  
Rebolusionario nga  
Annuttulan ta Reforma ta  
Davvun.....29

## KOMIKS

**KULTURA:** Kalapaw ken  
gasera

# Saraboen ti Tawen 2000 iti Napipigsa a Putok ken Dangadang

KABLAAWANTAYO TI 1999 A napnuan optimismo ken regta iti panagtignay. Pakadaantayo ti maika-20 siglo ken sumrek iti maika-21 siglo iti dadakkel nga addang. Saraboentayo ti tawen 2000 iti kanalbuong dagiti taktikal opensiba ken dalluyon dagiti dangadang ti masa.

Daytoy ti karit ti agdama a kasasaad. Ania't kasasaad? Napartak ken nauneg ti panagsuek ti krisis iti ekonomia ken kumarkaro latta ti krisis iti pulitika. Manipud pay idi rugian ti Maikadua a Naindaklan a Tignayan a Panagilinteg idi 1992, nairuten nga ig-iggaman ti rebolusionario a tignayan ti umno a linia—ti mapanggeddeng iti panagabante ken panagballigi ti rebolusion. Nakagun-odtayo metten iti dadakkel a rebolusionario a balligi iti naglabas.

Awanen ti rason tapno saantayo nga umabante a naparpartak. Saan a malapdan daytoy ti kabusor iti bukodna a pigsa. No

adda man makalapped, awan sabali no di ti bukodtayo a bagi, dagiti pang-uneg a pagkapkapuyan ken kamkamali.

Pagiggamantayo dagiti napapateg a rebbengen tapno makaaddang iti dadakkel.

UMUNA. Agpalawatayo bayat nga agkonkonsolida. Kangrunaan nga aspeto ti trabaho ti panagpalawa. Sekondario ti panagkonsolida.

Nakaitedtayon iti naan-anay a panawen kadagiti “konsol” wenno “malakonsol” a lugar. Nailawlawgtayon sadiay dagiti napasamak iti panawen ti estratehiko a kontra-opensiba (SCO). Nakidinnillawtayon kadagiti masa. Ken nakaummongen kadagiti datos para iti paglalagom iti tigtignayan nga erya. Mabalintayon ti mapan iti nalawlaw a lugar.

Nailet ti pagtigtignayantayo iti agdama. Iti madagdagus, adda peggad iti seguridad dagiti yunit. Ken mangmangted kondision daytoy

kadagiti masa kadagiti konkonsolidaen a lugar nga agdudua nga agtignay no makitada nga isuda laeng ti agtigtignay.

Gundawayan ti kasasaad a bumasbassit dagiti nakadeploy a kabusor iti eryatayo a pagtigtignayan.

Kasapulan ti naan-anay a lawa ti erya tapno maingatotayo ti tukad ti tignayan masa ken pannakigubat a gerilia. Addada tignayan a masa a maiyabante no adda naan-anay a lawa ti organisado a masa. Kas pangarigan, iti panangsupiat iti pannakapapanaw dagiti masa kadagiti bukodda a daga. Iti panangingato ti presio ti produkto dagiti mannalon ken tangdan dagiti mangmangged talon. Ken iti panangibaba ti interes ti pautang, abang iti tilyar, ken dadduma pay. Dakdakkal ti mabenepisio dagiti masa iti rebolusionario a panagtignay no nalawlaw ti koordinado a panagtignayda.

Iti paset dagiti gerilia, bentahe para kadakuada ti annatop a lawa ti maniobra. Adda kadakuada ti inisiatiba ken pleksibilidad. Nalawlaw ti mapagrekutan iti pueras a mannakigubat, aktibista ken kameng ti Partido. Mangpabpabaro't pigsa met kadagiti hukbo ti nalawa a matigtignayan. Gapu ta makasursuroda iti baro a kasasaad. Maahitada iti kasasaad dagiti masa. Ken mangpabpabara daytoy iti kinareggetda iti trabaho.

Kadagiti konkonsolidaen a lugar, itultuloytayo nga ingato ti tukad ti trabaho a masa gapu ta adu pay nga aspeto ti trabaho a konsolidasion ti rumbeng nga urnosen. Kas

pangarigan, ti panangitakder iti lokal nga organisasion ti Partido ken Komiteng Pangorganisa (KP) kadagiti sektor iti tukad bario. Ti panangpauneg iti tignayan a panagilinteg. Ken ti panangpasayaat iti kasasaad dagiti masa iti ekonomia, pulitika, kultura ken militar.

Panggep pay ti panagkonsolida ti makapagserbi iti trabaho nga ekspansion. Kas pangarigan. Babaen iti panagipatulod kadagiti aktibista iti sabali a bario. Iti panagpataud kadagiti kontak iti sabali a bario, kas kadagiti kakabagian dagiti aktibista. Iti panagpasampa iti Nalabaga a mannakigubat ti NPA. Ken iti panagserbi a kas pagwadan para kadagiti erya a malakonsolidado ken ekspansion.

MAIKADUA. Iyabante ti Rebolusion Agrario kas tulbek iti rebolusionario a trabaho iti aw-away.

Daytoy ti adal iti kapadasantayo idi 1979-83. Iti panangipatungpaltayo iti rebolusion agrario, limmawa ti impluensia ti rebolusionario a tignayan. Nasaklawtayo ti nalawa a lugar, aginggana iti dandani sibubukel a probinsia.

Napartak-tayo a nabukel ti nadumaduma a pormasion ti NPA, manipud tukad bario agpangato.

Kasla bunga a napartak a naluom ti panagitakder kadagiti lokal a komite ti Partido manipud sangay inggana't distrito. Pimmigsa met ti suporta dagiti akintengnga

a puersa. Ken nalukatan ti taktikal nga aliansa iti paset ti reaksion.

Kasta met a ti panangpetpet ita iti rebolusion agrario ti tulbek a mangim-impluensia iti pannakarisot dagiti probproblemaentayo iti panagpalawa iti tay-ak gerilia. Iti panangpapigsa iti buyot ti umili. Ken iti panangitakder kadagiti organisasion ti Partido iti lokalidad.

Nupay addadan nagun-odtayo a balligi ti rebolusion agrario iti naglabas, adu kadagitoy ti naibabawi dagiti apo't daga. Adu pay a banag kanaig daytoy ti masapultayo a pagadalan. Adu pay a kakadua ti saanpay a nakapadas iti implementasionna idi agsardeng iti panawen ti SCO.

Uray kadagiti sumagmamano nga adda kapadasanna, adu met ti masapul a pagadalanda. Panggep kadagiti panagbalbaliw iti kasasaad ti ekonomia, pulitika ken militar. Masapul a pagadalan dagiti kinabaelantayo a patakaran idi, no annatop ken umno kadi pay iti agdama.

Iyabantetayo ti panangibaba iti abang ti daga ken makinaria iti produksion. Ti panangingato iti tangdan ken presio ti produkto dagiti mannalon. Ti panaglaban para iti karbengan iti daga. Ti panangrisut iti umad-adu a risiris iti daga iti intar dagiti mannalon. Ken ti pananggrebbek kadagiti bunggoy ti agnunuang.

MAIKATLO. Agirussuattayo kadagiti taktikal nga opensiba (T.O.). Targetentayo dagiti nagitudo iti kabusor ti adu nga armas ti rebolusion. Dagiti regular a tropa ti kabusor. Ken dagiti kangrunaan ken regular a paniktik ti kabusor.

Iti kabuklanna, mangmangted dagiti T.O. iti balligi a pangpulitika kadatayo. Gapu daytoy iti

kasasaad a nabayagen a nagsardeng dagiti T.O. iti Cagayan Valley. Ur-urayen daytoy dagiti masa. Magagaranda a makabales iti reaksionario a gobierno a nakaro a mangparparigat ken mangikuskuspil kadakuada. Responsibilidadtayo kadagiti umili a dusaen dagiti napeklan a kontrarebolusionario a nakabasol iti dakkel iti rebolusion ken umili.

Irussuat dagiti sentro de grabidad (SDG) ken dagiti kakumbina a yunit dagiti kasapulan, annatop ken kabaelan nga aksion militar. Kabaelan pay laeng dagiti yunit ti aksion militar. Ti kasapulan laeng ket ti kabaelan dagiti yunit a mangtasa iti kasasaad ken mangbalanse iti epekto a pangpulitika, karaman ti epekto iti trabaho a masa, ti aksion militar.

Panggeptayo a saan a rumigat ti trabaho a masa kalpasan ti aksion militar. Nupay ekspektarentayo nga adda madagdagus a reaksion ti kabusor kalpasan daytoy. Ngem saan daytoy a makalapped basta la ketdi makasubli ti yunit a nag-T.O. iti trabaho a masa tapno kontraen ti epekto kadagiti masa ti reaksion ti kabusor.

Kadagiti kasasaad nga addatayo iti dependensia a postura (nakadispersa), awan sarday ti trabahotayo a panangpamulat, panangorganisar ken panangpatignay kadagiti masa.

Panggep ti aksion militar ti agtultuloy a pannakabukel ti panagtalek dagiti masa iti NPA. Makitada a kabaelan daytoy a dusaen dagiti kabusor a mangparparigat kadakuada. Maasa manen ti kabaelanda a millitar. Ken mapapudot manen ti partisipasionda iti panangsuporta kadagiti aksion militar. Panggeptayo met a makakumpiskar kadagiti baro nga armas ken lohistika, para kadagiti baro a mabukel a yunit ti NPA.

Nasurok dua a dekadang ti rebolusionario a tignayan iti rehion. Addan tukad ti panangbigbig ken panangsuporta dagiti masa kadagiti aksion militartayo. Ti dawdawatenda laeng ket mailinteg dagiti kamkamali kanaig iti pangirussuat iti T.O. idi panawen ti SCO. Kas ti kinakurang ti panagannad iti panangpili iti pagirussuatan ti T.O. a mangip-ipan iti peggad iti biag ken sanikua dagiti masa. Ken ti sobra a kadasas a T.O. a manggabgabor iti pangkagimongan a biag dagiti masa.

MAIKAPAT. Agpaadu ti pueras. Agpataud kadagiti baro a dara ken ikumbina dagitoy kagiti datin.

Iti panawen a kumarkaro ti agnanayon a krisis ti malakolonial ken malapiudal a gimong, adu ti agpangpanggep a baliwan ti kasasaad ken sisasagana nga agtignay. Itulodnatayo ti dadakkel nga addang iti addayo a lugar, sadiay nga agur-uray dagiti masa iti napintas a damag ti rebolusion.

Responsibilidadtayo a maam-ammo ida, maasitgan, mapatignay ken matenned tapno makapagpataud ti adu a mangted regta ken militansia kadagiti organisasion masa, organisasion ti Partido iti lokalidad ken mannakigubat ti NPA. Dakkel a panagdur-as daytoy lallalo kadagiti bario nga agdudua pay nga agtignay dagiti nagkauna nga aktibista gapu iti militarisation ti kabusor iti naglabas.

Imaksimisa dagiti adda't ditan a pueras. Palauken amin a hukbo iti trabaho a masa. Patignayen dagiti aktibista para iti panagpalawa. Ikkan ti trabaho dagiti organisado a masa. Pagpanunotan no kasano a makatulong dagiti maim-impluensiaan.

Ilinteg ti panagpampanunot a dagiti pultaym laeng ti mangbakkaklay kadagiti trabaho.

Saan a makaaanay ti rekoberi. Masapul a malabsantayo ti sigud a nadanon a pigsa. Ad-adu pay a masa ti agur-uray kadatayo. Ti panagpigsa dagiti organisasion ti Partido, NPA ken organisado a masa ti mangiduron kadagiti akintengnga a pueras nga umasideg kadatayo. Kasta met dagiti sumagmamano nga agar-ari a dasig, a maiduron a makitinnulong kadatayo iti sumagmamano nga isyu wenno saritaan.

#### MAIKALIMA.

Pangatuen ti kaammuan a teoretikal. Umab-abante ti praktika no dumurdur-as ti teoria. Idi, impagaruptayo a makaabante ti rebolusion inggana't balligi uray saantayo nga agadal a nasayaat iti Marxismo-Leninismo-Maoismo. Pampanekneknan ti napasamak a dakkel a biddut daytoy.

Itultuloytayo a pagadalan ken

subsublianen ti teoria ti Marxismo-Leninismo-Maoismo. Aramaten daytoy a tarabay kadagiti pagtatasa, paglalagom, panagdillaw ken panagdillaw-iti-bagi, pangkagimongan a panagsukimat, trabaho a masa ken trabaho a militar.

Labanantayo ti konserbatismo ken umaddang iti dakkel. Labsan ken padur-asen ti dati a kapadasan. Alaen ti positibo iti kapadasan, nairut a pagiggaman dagiti adal iti paglalagom. Ilinteg dagiti madi, punuan ken pabaknangen ti kaammuan ken kapadasan. Iti kasta, ti 1999 ket tawen ti narimat a panagabante. **B**

# Kasasaad iti Cagayan Valley: **NAGANAGAN A DAGA PARA ITI REBOLUSION**

***"Biag ni mannalon  
pumapabangon***

***Sumalog 'diay talon***

***Sidana't bugguong, bitbitna't  
bunubun***

***Biag ni apo't daga, espesial  
ti sidana***

***Buksit na't dumakdakkel***

***Gapu't kinaagumna."***

**N**apnuan rigat ti biag dagiti mannaldon iti Cagayan Valley ken iti sangapagilian.

Kasta ti iladladawan ti kanta. Ngem saan laeng nga iti kanta a maipakpakita ti kastoy. Nakarkaro pay iti pudno a biag dagiti masa.

Lallalo itan ta maipatpatungpal ti neoliberal a patakaran dagiti imperialista a bangko nga International Monetary Fund ken World Bank (IMF-WB).

Kasta met ti imperialista a pang-ekonomia a bunggoy a World Trade Organization (WTO), Kangrunaan a linaon ti neoliberal a patakaran ti liberalisasion, pribatisasion ken deregulasion.

## **KINAAWAN KEN KINAKURANG TI DAGA**

**S**IGUDEN NGA AWAN bukodna a daga ti kaaduan a mannalon iti Cagayan Valley. Agtultuloy met latta a maag-agawan dagiti addaan sangkabassit a daga. Ag-agawen ti reaksionario a gobierno, dagiti apo't daga, usurero ken ganggannaet a korporasion ti pagminasan.

Agpapada a manangallilaw dagiti proyekto ti gobierno. Kas ti Integrated Forest Management Agreement (IFMA), Stewardship Contract, ken

Community-Based Forest Management Program (CBFMP) ti Department of Environment and Natural Resources (DENR). Tinambangan dagitoy dagiti mannalon tapno saanda a matagikua ti pinadur-asda a daga. Ngem ketdi, pinagbalinda ida a parataraken kadagiti kayo.

Maag-agawan met dagiti sigud nga addaan homestead. Bumassit a bumassit ti sakop ti homestead. Idi dekada 50, 24 ektaria ti sakop ti maysa. Kinissayan ket nagbalin nga 18 ektaria idi panawen ti rehimen Marcos. Kinissayan manen ket nagbalin a siam nga ektaria idi panawen ti rehimen Aquino. Iti panawen ti rehimen Ramos, innem laengen nga ektaria ti maysa nga homestead.

Itatta, irebre-bloke (re-blocking) pay daytoy. Kayatna

**PARSIAL A LISTAAN DAGITI GANGGANNAET A KOMPANIA TI  
PANGMINASAN A NAIKKAN TI PERMIT PARA ITI EKSPLORASION  
Agingga idi maika-31 ti Disiembre, 1997**

<b>KOMPANIA</b>	<b>SAKOP A DAGA (EKTARIA)</b>	<b>LUGAR</b>	<b>MINAS</b>
1. Occidental Pacific Climax Mining Corporation	15,633.00	Cabarroguis, Quirino; Solano, Nueva Vizcaya	Balitok
2. Coolabah Mining Corporation	13,365.00	Cabarroguis, Quirino Solano, Nueva Vizcaya	Balitok
3. Chelsea Mining Corporation	7,209.00	Cabarroguis, Quirino	Balitok
4. Red Earth Mining Corporation	6,885.00	Kasibu, Nueva Vizcaya	Balitok
5. Lasseter Mining Corporation	11,259.00	Kasibu, Nueva Vizcaya	Balitok
6. Climax Arimco Mining Corp.	1,620.00	Kasibu, Nueva Vizcaya Cabarroguis, Quirino	Balitok
7. Climax Arimco Mining Corp.	24,484.00	Nueva Vizcaya ken Isabela	Balitok
8. Climax of Australia Phils., Inc.	14,904.00	Nueva Vizcaya ken Quirino	Balitok
9. Sulong Mining and Dev't Corp.	1,944.00	Mantnibong ken Kinalabasa, Nueva Vizcaya	Balitok
10. Royal Northern Climax Mining	18,225	Claveria, Cagayan	Balitok
11. Connaught Mining Corporation	32,076	Nueva Vizcaya ken Benguet	Balitok

a sawen, maguddua-guddua pay dagiti daga. Iti kasta, makaparte ken makaala ti bingay dagiti baknang ken nakapet iti gobierno, nga awan met bannogna iti panangpadur-as iti daga.

Naan-anayen a "nalabusan" ti Certificate of Land Transfer (CLT). Naibulgaren a kas pangallilaw laeng kadagiti mannalon nga agar-arapaap

a maaddaan iti bukod a daga. Nakaad-adun ti maiporaporklos kadagiti saan a nakakumpleto ti amortisasion iti naikeddeng a bilang ti tawen.

Kastoy ti kasasaad ita iti Hacienda Sta. Isabel, Zulueta Estate, Dimson Estate, Hacienda Moldero, Arranz Estate, Yap Estate, Hacienda Rodriguez, Madrigal Estate ken dadduma pay. Immunan nga inibbatan ti saan a mabilang a

mannalon dagiti karbenganda iti posision iti panagisalda ken panagilako. Ngamin, saanda a mabaklay ti nagdagsen a gastos iti agrikultura.

Adu met ti kaso a makankansela ti CLT iti panangusar ti akindaga iti nadumaduma a pamuspusan tapno paruaren a sigud nga homestead ti daga.



Nayon pay ti kumbersion ti daga (land conversion) a nangpabassit iti sakop ti CLT tapno maisubli daytoy iti dati nga akinkukua ti daga. Ti resultana, nagtaud a kasla uong ti a subdibision, paggasolinaan ken resort (paglinglingayan wenno pagbakasionan) kadagiti sigud a taltalon ken kumkuman.

Kasta ti napasamak kadagiti talon ken bangkag a mangtantannawag iti Marcos highway manipud Bayombong, Solano, Bagabag, Cordon, Santiago, Echague, Alicia, agpaamianan.

Nagbasaran ditoy ti maysa a probision iti Comprehensive Agrarian Reform Law (1988). Palpalubosan ti nasao a probision a mabalin a baliwan ti klasipikasion ti daga ken pagbalinen a residencial, komersial ken industrial.

Ginasut a ribo met nga ektaria a daga ti saksakupen, wakwaknitan, kutkutkoten ken pagbunbunagan iti kinabaknang dagiti ganggannaet a kompania ti pagminasan. (Kitaen ti kahon.)

Makaulaw ti kinalawa ti madadael nga agrikultural a daga, karayan, waig ken ubbog ti danum. Dadaelen dagitoy pagminasan a paggangganaran laeng dagiti imperialista ken kakumplotda a burukrata-kapitalista. Pannakadadael a pangkabayagan ti epektona iti biag ken masakbayan ti agarup maysa a milion nga umili.

Panaggamrud iti nalalawa a bakir a pagnanaedan dagiti nailian a minoria (Agta ken Isneg). Kasta ti kababagas ti

programa a Certificate of Ancestral Domain Claim (CADC). Pammaneknek daytoy ti kapadasan dagiti Aggay ken Ilongot iti Quirino.

Adda addangen ti CADC-DENR nga ummongen ken ilimitar laeng dagiti nailian a minoria iti maysa a lugar. Iti kasta, libre a maagum ti reaksionario a gobierno ken dagiti ganggannaet a kompania ti minas dagiti daga a nakaiyanakan, pagbibibiagan ken pagnanaedanda. Kasta met ti kasasaad sadiay Marag Valley. Banag a supsuppiaten dagiti umili a minoria.

Kapada ti CADC ti IFMA, CBFMP, Stewardship, CLOA ken CLT. Pada-padada a proyekto a manangagum. Ken manangallilaw. Gapu ta aginkukuna ti gobierno a risrisutenna ti problema iti daga dagiti mannalon.

Kontra-rebolusionario ti kaunggan dagitoy a programa. Ngamin ket panggepda a patalnaen ti nainkalintegana a panaglaban dagiti mannalon kanaig iti problema ti daga a nangrugi manipud pay idi panawen ti Kastila.

#### PIUDAL KEN MALAPIUDAL A PANANGGUNDAYWAY

Adda pay maysa a nasaknap a pamuspusan iti panaggamrudda iti daga: ti operasion dagiti usurero-negosiante-apo't daga. Ganggamamenda dagiti nakasalda wenno kolateral a daga.

Lallalo pay a dumakdakkal

ti sanikua a daga daytoy a dasig. Babaen iti kasta unay ti kangatona a "paanak" wenno interes ti pautang, a ti kadawyan ket 40 porsiento\ iti maysa nga apitan.

Babaen iti pananglaklakada kadagiti produkto dagiti mannalon, isu a mapilpilitan ken awan maaramidanna no di agilako wenno agisalda ti bukod a daga. Iti panangsuitik ti timbang. Ken iti panangingato iti kadawyan a presio ti bin-i, abono ken pestisidio.

Gapu kadagitoy, talaga a saanen a maisubli dagiti mannalon ti naisalda a daga. Wenno saandan a mabayadan ti utangda, nga agtultuloy nga "aganak" agraman immuna nga "anak"na.

Kadawyan ket P2.00 laeng iti kada kilo ti mais (iti presio a P7.00 kada kilo) ti maala a bingay ti mannalon, kalpasan nga ikkaten ti paset a pagbayad ti utang ken interes ken kusiten ti usurero-komersiante. Idinto a ti awan pulos nagbannoganna nga usurero-komersiante ket aggangganansia iti P11.00 kada kilo.

Awan pay ditoy ti pastrekna manipud iti panangsuitik iti timbang. Iti klasipikasion kadagiti produkto. Ken iti intuon iti presio dagiti ramramit ken kasapulan. Iti presio a P3.50 - P4.00 kada kilo ti



mais wenno uray nangatngato pay no dadduma, maabakan latta ti mannalon.

Idi, ti sangkabassit a panagngato ti presio ti produktoda iti sango ti agsasaruno a panagngina ti gagatangen ti probproblemaen dagiti mannalon. Sakbay pay daytoy a maipatungpal dagiti imperialista a patakaran a liberalisasion, pribatisasion ken deregulasion.

Ita, ti probproblemaendan ket ti awan sardayna a panaglaka ti presio dagiti produktoda, a makumpitensia gapu iti panaglayus dagiti nalalaka nga imported a produkto.

Nangato la ngaruden ti abang iti daga, a ti kadawyan ket 15 porsiento iti muerto wenno 1/3 gross iti binningayan, lallalo pay a ngimmina ti gastos iti produksion. Kadawyan a P15,000 inggana't P19,000 ti magastos iti tunggal ektaria ti talon.

Panagutang laengen ti pamuspusan dagiti nakurapay ken akintengnga a mannalon tapno makapagmulada. Iti kinaadu ti saan a makabaybayad iti sigud a pagut-utangan, masapul ti garantor a mangituon pay ti 5 porsiento nga interes, tapno makautang iti baro a pagut-utangan a komersiante-usurero.

REHIMEN ESTRADA -  
INUTIL KEN SUITIK

Nadumaduma a langa ti panaggamrud ti daga ti gobierno, dagiti imperialista nga agminminas ken dagiti apo't daga. Ken pananggundaway a komersiante-usurero. Amin dagitoy ket agtultuloy ken kumarkaro a didigra kadagiti mannalon, nailian a minoria ken setler.

Nayon pay a parigat ti natural a kalamidad. Kalamidad a kangrunaan nga imbunga ti naunday a panangkalbo iti bakir dagiti konsesionario iti panagtroso.

Iti panawen ti kalamidad, lallalo manen a maibulgar ti kinamanagbaybay-a ti reaksionario a gobierno iti interes ken pagsayaatan dagiti umili. Kadaytoy naglabas a bagyo nga Ilyang, P1million laeng ti "impurruak" da a relief iti tunggal probinsia. Idinto nga aggataden iti ginasut a milion a pisos ti naperdi iti maysa pay laeng nga ili ti Isabela, a maysa a rice granary ken lugar ti kartel. Ania met ti pakausaran ti dua kaban a bagas ken 20 a lata ti sardinas iti sibubukel a bario!

Sinaruno pay daytoy ti dakkel a panaglaka ti presio ti pagay ken mais. A P3.00-P5.00 kada kilo laengen ti sigud a P8.00 kada kilo nga irik. Idinto a nakaro met nga impanginada dagiti gagatangen. Kas ti asukar, a P45 kada kilo met itan.

No kaano pay a kasapulan unay dagiti masa ti suporta, isu met ti panangsuitik kadakuada ti gobierno dagiti

dadakkel nga apo't daga ken burges kumprador.

Binaybay-an la ngaruden ti gobierno dagiti nabagyo a masa, daytoy pay ti gapuanan ti pannakalayusda!

Awan mauray a panangisakit ti reaksionario a gobierno uray iti biag dagiti umili. Kellaat nga imbulosda ti danum ti Magat River Multipurpose Project (MRMP) idi kapigsa ti tudo ken bagyo nga Iliang ken Loleng. Nagbunga daytoy iti dakkel a layus a nanglapunos iti nalawa a kataltalonan, nangdadael kadagiti maani a pagay ken mais ken nangiyanod kadagiti balbalay, eskuela, ayop ken dadduma pay a sanikua ti umili iti Isabela ken Cagayan.

Pampaneknekan laeng daytoy a saan a dagiti umili iti lugar ti kangrunaan a pagserserbian ti MRMP. No di ket dagiti dadakkel a negosio nga agus-usar ti koriente iti sentro a ciudad!

Saan laeng nga iti panawen dagiti kalamidad a makitkita ti kinainutil ti gobierno ni Erap ken dadduma pay a naglabas a rehimen. Inutil latta daytoy iti sango ti nasaknap a kriminalidad. Kriminalidad iti aw-away a mangpakpakaro pay iti nagkaro ngaruden a kinarigat dagiti mannalon.

Nagraira dagiti agtatakaw ken tulisan. Dagiti dadakkel a grupoda pay met ngarud ket pekkel dagiti militar. Adda pay proteksionda kadagiti hues ken opisial ti gobierno.

81,000 Cagayan-Apayao,  
8. Dalton Pacific Resources Inc.  
9. Golden Shamrock ..... 98,820 ..... Cagayan ken Isabela.

**10 AGDAMA A KASASAAD**

**Enero - Marso 1999**



PARSIAL A LISTAAN DAGITI  
GANGGANNAET A KOMPANIA TI  
PANGMINASAN:

Kompania

Makaulaw ti kinalawa ti madadael nga agrikultural a daga, karayan, waig ken ubbog ti danum. Dadaelen dagitoy  
Sakop a daga Lugar pagminasan a paggangganaran laeng dagiti imperialista ken kakumplotda a burukrata-kapitalista.  
(ektana) Pannakadadael a pangkabayagan ti epektona iti biag ken masakbayan ti agarup maysa a milyon nga umili.  
Pananggamrud iti nalalawa a bakir a pagnanaedan dagiti nailian a minoria (Agta ken Isneg). Kasta ti kababagas

1. Royal Cement and Mining Corpora-  
tion 23,490 San Agustin ken  
Jones, Isabela
2. Climax Arimco  
200,000 Nueva Vizcaya, Quirino,  
Isabela , ken Ifugao
3. Cement Plant  
18 bario iti Tumauini ken Ilagan,  
Isabela.
4. Maria Aurora Mining Corporation  
Maddela ken Nagtipunan.
5. Coal Plant  
Cauayan, San Guillermo, San Mariano  
ken Angadanan,

Isabela.

6. Pico Minerals  
100,000 Cagayan.
7. Roxal Northern Climax Corporation

--

# Umabante iti Dadakkel ita a 1999, Ilaksid ti Konserbatismo

final

ARMADO A DANGADANG/1st  
quarter 1999 issue

UMABANTE

ITI DADAKKEL ITA A 1999,

ILAKSID

TI KONSERBATISMO

NAPATEG ti 1999 para iti  
pakasaritaan ti rebolusion  
Pilipino. Maika-30 a tawen itan  
sipud idi rugian manen ti  
armado a dangadang iti  
sangapagilian, idi itakder ti  
New People's Army idi Marso  
29, 1969.

Maika-100 a tawen met itan  
sipud idi rugian ti umili a  
Pilipino ti dangadang kontra iti  
imperialismo nga Estados  
Unidos (U.S.), sipud pay idi  
Gubat a Pilipino-Amerikano idi  
1899-1901.

Naitawen met nga ita ti maudi  
a tawen ti maika-20 siglo.  
Mano a bulan laengen,  
sumrektayon iti maika-21  
siglo. Dagiti naudi a tawtawen  
ti maika-20 siglo ket panawen  
ti panagpabaro't pigsa ti  
rebolusion Pilipino.  
Siguradoentayo ngarud a  
tawen ti dadakkel a  
panagabante ti 1999. Iti kasta,  
tannawagantayo ti maika-21  
siglo a kas siglo dagiti  
naindaklan a dangadang ken  
balligi.

NAGSAYAAT TI DALAN,  
NGEM NAGBUNTOG TI  
PANAGADDANG

Awan sarday ti  
panagkombulsion ti sistema a  
malakolonial ken malapiudal.  
Agsusuek iti naun-uneg pay  
nga abut ti malapiudal nga

ekonomia ti pagilian.  
Sungsungradan ti nakaro a  
krisis ti ekonomia ti  
diskuntento ken panaglaban  
dagiti umili. Kasta met dagiti  
paksional a risiris dagiti agar-  
ari a dasig. Iti kastoy a  
panawen, naparpartak ken  
daddadakkel ngem iti  
kadawyan ti rumbeng nga  
addang dagiti rebolusionario.

Iti kasasaad met ti  
rebolusionario a tignayan,  
uman-andaren ti Maikadua a  
Naindaklan a Tignayan ti  
Panagilinteg. Idi pay 1992 a  
rinugian daytoy. Maibukbukbok  
ti atensiyontayo iti trabaho a  
masa. Nalagomtayon iti tukad  
rehion dagiti kapadasan iti  
naglabas ken nakaadaw  
kadagiti adal a positibo ken  
negatibo. Nakagun-odtayo  
metten kadagiti balligi.

Pito a tawentayo itan a mangig-iggem manen iti umno a linia ti baro-demokratiko a rebolusion babaen iti pangmabayagan a gubat ti umili. Nailaksidtayon dagiti kangrunaan a kamkamali ken panagsiasi iti naglabas. Naan-anay pay ti bilang ken kabaelan dagiti rebolusionario a puersa iti rehion ken sangapagilian tapno makaabante iti dadakkel.

Iti sabali bangir, nakabunbuntog ti panagabante dagiti rebolusionario a trabahotayo iti Cagayan Valley. Daytoy ket iti laksid ti paborable a kasasaad nga obhetibo ken suhetibo.

Nakail-ilet ti pagtigtignayantayo. Maysa a makaigapu daytoy ti panagbassit dagiti puersa a pultaym tapno matignayan ti dati a saklaw idi 1994. Saan a matignayan ti maysa a yunit ti NPA ti rumbeng a sakupen daytoy a kaadu ti bario.

Addada lugar a datin a pagtigtignayan. Ngem saan a makalung-aw ti panagorganisatayo kadagiti masa iti tukad ti Grupong Pang-organisa wenno GP (tukad Grupong Tagapag-ugnay sa Bario wenno GTB pay dagiti dadduma). Idinto nga iti naglabas ket naitakder kadagitoy a lugar ti Komiteng Rebolusionaryo sa Baryo (KRB). Idinto a

PITO A TAWENTAYO  
ITAN A MANGIG-IGGEM  
MANEN ITI UMNO A  
LINIA TI NAILIAN  
DEMOKRATIKO A  
REBOLUSION BABAEN  
ITI PANGNABAYAGAN A  
GUBAT TI UMILI.  
NAILAKSIDTAYON  
DAGITI KANGRUNAAN A  
KAMKAMALI KEN  
PANAGSIASI ITI  
NAGLABAS. NAAN-  
ANAY PAY TI BILANG  
KEN KABAELEN DAGITI  
REBOLUSIONARIO A  
PUERSA ITI REHION  
KEN SANGAPAGILIAN  
TAPNO MAKAABANTE  
ITI DADAKKEL.

mabalinen a takderan iti Komiteng Pang-organisa (KP).

Bassit ti bilang dagiti organisado a masa. Nasinasina ken saan a naregta ti panangipatungpal iti rebolusion agrario. Naibbatan iti sumagmamano a tawen ti taktikal opensiba ken panagdusa kadagiti napeklan a kabusor dagiti umili ken ti rebolusion. Nagbayag met a saan a nabukel dagiti sentro de grabidad a mangiyuna koma iti trabaho a militar.

Kasta met iti Puraw a Purok. Addada met balligi a nagunod ti rebolusionario a tignayan sadiay iti naglabas. Ngem iti kabuklanna, saan a naregta ti tignayan ti kabataan-estudiante. Iti tignayan ti mannalon, nabuntog met ti panagitakder ken panangingato iti tukad dagiti rebolusionario nga organisasion masa, ti pannangted kadagiti kurso a pangmasa ken ti rebolusionario a propaganda.

Iti kabuklanna, umip-ipus dagiti organisasiontayo kadagiti sona a gerilia ken puraw a purok iti paborable a kasasaad.

Ania't problema?

TI BAGAHE A KONSERBATISMO

Iti laksid ti nakasaysayaat a pangruar ken pang-uneg a kasasaad, agduduatayo nga umabante. Ti panagdudua ken panagsarimadeng uray nakasaganan dagiti masa nga umabante ken kayatda nga idauluantayo ida ket pannakaigamer iti konserbatismo. Konserbatismo ti kangrunaan a lapped iti panagabantetayo iti agdama.

Iti sumagmamano a tawen, sipud pay idi 1993, nakatalmeg ti atensiyontayo kadagiti pang-uneg a trabaho. Limmukay ti

simmiasi a linia ti SCO, bimmaw-ingtayo iti panagpangpangadua. Nagresulta daytoy iti panangibbet kadagiti dadduma pay a paset ti rebolusionario a trabaho. Iti panagdudua nga umabante. Ken iti panagtaud ti kapanunotan a “ti panagparpartak iti trabaho ket madi.”

Iti “panangilinteg” iti naglabas a kamkamali, naibbatan ti trabaho a militar, ti panagbukel iti masaklaw ken naparang nga organisasion iti tukad probinsia ken iti panangidaulo iti naparang a tignayan masa.

Husto ti insuro ti Tignayan a Panagilinteg a ti trabaho a masa ti basaran ti trabaho a militar. Ngem madi ti nagbalin nga interpretasiontayo nga:

iggemtayo iti pangpulitika a panangidaulo. Agpayso a narigrigat nga aggidan a panunoten ti konsolidasion a pang-uneg ken ti panangidaulo kadagiti masa ken panangipatungpal kadagiti trabaho a militar. Ngem responsibilidadtayo daytoy kadagiti umili.

Obligasiontayo nga agtultuloy a tarabayan, idauluan ken depensaan dagiti umili manipud iti kabusor a mangparparigat kadakuada. Daytoy ti linteg ti panagtignay ti maysa a rebolusionario a tignayan a mangiyab-abante iti biag-ken-pannakatay a dangadang.

Tallo ti basaran ti panagtaud ti konserbatismo iti rehion.

UMUNA. Siguden nga adda Kannawan nga oportunismo a kas nakapauneg nga ayos iti panawen ti SCO. Ti maysa a manipestasionna idi ket ti pannakalimitar ti sumagmamano a teritorial a yunit iti naillet a pagtigtignayan.

Manipestasionna met ti panagdudua nga agdusa wenno agirusuat iti T.O. iti erya a pagtigtignayan. Gapu daytoy iti amak a maapektaran ti trabaho a masa. Karaman pay iti konserbatismo ti panagdudua a pamulatan ken alaen ti suporta dagiti masa uray no mabalin met.

MAIKADUA. Iti ayattayo nga ilinteg dagiti “kannigid” a kamkamali nga imbunga ti

---

**OBLIGASIONTAYO**  
**NGA AGTULTULOY A**  
**TARABAYAN, IDAULUAN**  
**KEN DEPENDANSARAN**  
**DAGITI UMILI MANIPUD**  
**ITI KABUSOR A**  
**MANGPARPARIGAT**  
**KADAKUADA. DAYTOY**  
**TI LINTEG TI**  
**PANAGTIGNAY TI MAYSA**  
**A REBOLUSIONARIO A**  
**TIGNAYAN A MANGIYAB-**  
**ABANTE ITI BIAG-KEN-**  
**PANNAKATAY A**  
**PANNAKIDANGADANG.**

---



agtrabaho a masa pay laeng, ken ipundar pay dagiti organisasion masa iti nalawa a saklaw sakbay a sanguen ti trabaho a militar iti rehion. Iti dadduma a yunit ti NPA, saan a mapagtungtungtongan ti trabaho a militar ken panaglinis.

Nalipatantayo nga ikonsidera a sipud pay idi 1970, addan trabaho a masa tayo iti rehion ken bigbigbigen dagiti masa ti trabahotayo a militar. Ti laeng dildillawenda ket ti agsobsobra a trabaho a militar a mangip-ipan iti peggad ti biag, takiag, pamilia ken sanikua dagiti masa.

Ti ilinlintegtayo ket ti panangiyabante ti trabaho a militar a mabaybay-an ti trabaho a masa. Iti tunggal panagdur-as ti trabaho a masa, masapul nga adda kagiddanna a panagdur-as iti trabaho a militar.

Husto met ti dillaw ti Tignayan a Panagilinteg a sobra a pannakaigamer iti naparang nga organisasion ken tignayan masa ken ti pannakabaybay-a ti limed nga organisasion. Ngem madi ti nagbalin a panangiggemtayo kadaytoy nga adal. Tinalmegan ti Puraw a Purok ti panangbukel iti limed nga organisasion bayat nga inibbatanna ti panangbukel kadagiti pasaklaw ken taktikal nga organisasion.

---

**TI ILINLINTEGTAYO KET TI PANANGIYABANTE TI TRABAHO A MILITAR A MABAYBAY-AN TI TRABAHO A MASA. ITI TUNGAL PANAGDUR-AS TI TRABAHO A MASA, MASAPUL NGA ADDA KAGIDDANNA A PANAGDUR-AS ITI TRABAHO A MILITAR.**

---

Saan nga husto ti kapanunotan a “masungbatan laeng ti obhetibo a kasasaad no naipundaren ti solido a pigsa dagiti masa.” Gapu kadaytoy madi a panagkita, saantayo a nagammatan dagiti napipintas a gundaway tapno koma maibuelo ti panagtignay ken pannakaorganisa dagiti masa.

MAIKATLO. Pagtataudan pay ti konserbatismo ti epekto ti panagkapsut ti pigsa ti Partido, NPA ken masa. Gapu kadaytoy, natagibassittayo ti kabaelan ti rebolusionario a pigsa.

Maysa a pangarigan daytoy ti saan a panagirussuat iti T.O. gapu ta bassit ti yunit wenno awanen dagiti adu’t kapadasanna a kumander. Awan basaran daytoy. Mabalintayo met a

pagkukuyogen ti dua inggana't tallo a yunit ti NPA tapno ag-T.O. Addada pay adu't kapadasanna a makapagkumand. Ken no kadagiti simple laeng nga ambus nga us-usaran iti sorpresa (ken pasabog), makabaelan daytoy dagiti baro a kumander.

Lagipentayo a nangrugi ti rebolusionario a tignayan manipud iti kinaawan kapadasan. Naaddaan daytoy kadagiti kapadasan ken nagbalin pay a nalaing ken napnuan kabaelan. Maaramidtayo manen itan ti agpakalaing.

#### **ILAKSID DAGITI BAGAHE, PAANDAREN TI MAKINARIA**

Rebolusionario nga optimismo ti rumbeng nga aktitud iti panagkita iti kasasaad. Nakabasar ti optimismo iti pang-adayo a panagkita nga awan sabali a turongen ti rebolusion no di balligi. Awan sarday ken awan solusion ti krisis ti sangalubongan nga imperialismo ken ti malakolonial ken malapiudal a gimong. Inaldaw-aldaw a kumarkaro ti panagrigrigat, pannakagundaway ken pannakairurumen dagiti umili. Awan sabali a pamuspusan tapno makalung-awda no di rebolusion ken sosyalismo.

Saan pulos a liwayan daytoy a kinapudno. Kasta met a saan a paileten ti panagkita iti akikid a panawen a kasla ita, a masapul pay a bumuelo

ti tignayan iti rehion. Bayat a petpet ti optimismo iti kabuklan a taray ti gimong, serio a pagadalan dagiti problema ti tignayan. Ilinia ti kinapateg ken prayoridad dagitoy. Mangaramid ti addang tapno sigurado a marisut. Iti kasta, mabalbaliwan ti saan a paborable a situasion, ken magun-od ti paborable a situasion.

Saantayo a makuntento kadagiti babassit nga addang. Gun-oden ti adu ken dadakkel a balligi. Masapul ti tunggal maysa kadatayo ti pudot wenno apoy iti barukong ken panunot. Tapno marimbawan dagiti personal a problema. Tapno madanon dagiti bario a dati a likliklikan. Tapno maiggeman dagiti trabaho a dati a pagkedkedkedan.

Bayat a kitkitaen ti partikular a kasasaad, managpartuattayo nga iyaplikar dagiti nailian a panawagan ken rebbengen. Padur-asen dagiti trabaho basar iti managusig nga aktitud ken panagregget a mapasayaat ken mapapartak dagitoy.

Daliasatentayo ti dalan ti panagabante ken panagdakkel. Iti kasta, maakemtayo ti intalek a rebbengen dagiti masa kadatayo a kas dauloda iti panagrebolusion.#



# 100 a Tawen ti Anti-imperialista a Dangadang

final  
IMPERIALISMO/ for 1st quarter 1999 issue

## 100 A TAWEN TI ANTI-IMPERIALISTA A DANGADANG

Sisasagana dagiti rebolusionario a Pilipino a labanan ti imperialismo a U.S. uray iti uneg ti 100 manen a tawen

“Masapultayo ti tulong ti maysa a nabileg a pagilian a kas ti Estados Unidos (U.S.). Salaknibandatayo no adda pagilian a manggubat iti Pilipinas. Isu a masapultayo dagiti puersa militarda ditoy.”

Daytoy ti ibagbaga dagiti opisial ti rehimen U.S.-Estrada iti naglabas a bulan. Pagramrasonda daytoy tapno iratipika ti reaksionario a

senado ti Visiting Forces Agreement (VFA). Palubosan daytoy a katulagan ti panagsubli manen dagiti puersa militar ti U.S. iti pagilian.

Kinapudnona, saan laeng nga ita nga iwarwaragawagda ti kastoy. Sipud pay idi 1946. Maul-ulit a kasta ti tantanawtawen dagiti nagsasaruno a papet a rehimen ti pagilian. Sakbay a mamati iti ibagbaga dagiti reaksionario, taliawen nga umuna ti pakasaritaan. Sakbay nga agdesision para iti agdama ken masakbayan, sublianan pay ti napalabas ti pagilian.

## 100 A TAWEN ITAN

Eksakto a 100 a tawen itan manipud idi puersado a

sakupen ti imperialismo a US ti Pilipinas. Idi rabii ti Pebrero 4, 1899, pinaltogan dagiti tropa a U.S. dagiti rebolusionario a Pilipino idia San Juan ken Caloocan (paset ti Metro Manila ita). Signal a putok daytoy iti rugi ti Gubat a Pilipino Amerikano idi panaggibus ti maika-19 siglo ken rugi ti maika-20 siglo.

Sakbay daytoy, pinirmaan ti Tratado iti Paris idi Disiembre 10, 1898. Tratado daytoy iti baet ti rumrumsuat idi nga imperialista a U.S. ken lumlummed idi a kolonialista nga Espanyol. Kadaytoy a tratado, “ginatang” ti imperialismo a U.S. ti Pilipinas manipud iti kolonialismo nga Espanyol, ti dati nga akinsakop iti pagilantayo. Nalaka laeng ti “panangatangna” — \$20

milion!

Immun-una pay ngem daytoy, mapanggeddengen a nagballigi ti rebolusion Pilipino kontra iti kolonialismo nga Espanyol. Napalawlawan idin dagiti pueras ti Espanya idia Intramuros kadagiti umop-opensa a rebolusionario a Pilipino. Ngem gapu iti Tratado iti Paris ken dadduma pay a sinusuitik nga aramid ti U.S., naagawna ti balligi ti rebolusion Pilipino kontra iti Espania.

Nangrugi ngarud ti mano tawen a pangpulitika ken pangmilitar nga agresion ti U.S. kontra iti kaipatpatakder a Republika ti Pilipinas. Iti kabuklanna, nasurok maysa a milion ti kasualti a Pilipino. Sibilian ti kaaduanna

**Nagtultuloy ti imperialista a kinaulpit uray idi malpasen ti Gubat a Pilipino-Amerikano iti 1899-1901. Inaramidda dagiti manangikuspil a linteg. Kas ti Flag Law, a nangiparit iti panangidispley iti bandera ti Katipunan ken ti Republika ti Pilipinas. Ken ti Brigandage Act of 1902, a nangideklara kadagiti rebolusionario a Pilipino a kas bandido a rumbeng a bitayen.**

kadagitoy.

Sinno't makalipat iti awan sardayna a panagkanyon dagiti pakigubat a barko ti U.S. iti Manila Bay ken kadagiti adu nga ili ken bario idi Pebrero 4-10, 1899? Nagbunga daytoy iti pannakatay ti rinibo a Pilipino, karaman ti adu a babbai ken ubbing.

Sinno't makalipat kadagiti kampo a pagbaludan? Ti nagdamsak a

panagpatay dagiti imperialista a tropa ni Heneral Franklin Bell kadagiti ayup a pagtalon? Kasta met ti panagpuorda kadagiti apit dagiti umili? Maisina laeng dagiti pueras a gerilia ni Heneral Miguel Malvar idia Batangas?

Iti uneg laeng ti tallo a tawen ti Gubat a Pilipino-Amerikano (idi 1901), dimmanonen iti 600,000 ti kasualti a Pilipino. Pangarigan laengen idia Samar. Kadayta a tawen, nagbalin ti Samar nga "agung-ungor a law-ang" (howling wilderness) idi impatungpal ti patakaran nga "agpatay ken agpuor" ni Heneral Jacob Smith. Pinuoranda amin a balay. Pinatayda amin a sibibiag a banag-tao man wenno ayup. Pito ribo a Pilipino ti natay. Sibilian ti kaaduanna.

Idia met probinsia ti Batangas idi 1902. Nasurok nagkatlo (1/3) ti kabuklan daytoy a populasion a 298,000 ti ginudas dagiti imperialista (New York Times, Mayo 1901). Tapno mairussuat daytoy nadara a gubat kontra kadagiti Pilipino, gimmastos ti imperialismo a U.S. ti \$400

milion (Cablenews America, Oktubre 9, 1907). Dimmanon met ti pangsakop a pueras ti U.S. iti kadakkel a 150,000 tropa.

Inaramidda ti nadumaduma a krimen kontra kadagiti Pilipino. Kas ti panagmasaker iti rinibo a sibilian. Ti panagtortur ken panagbisin kadagiti balud. Ti panagrames kadagiti babai. Ken ti panagtakaw ken panagpuor kadagiti bario.

Kasta unay ti kinadamsak, kinapalanguad ken kinaranggas dagiti tropa a U.S. Isu a naiduron uray dagiti burges a pulitiko iti U.S. a mangsuppiat iti mapaspasamak. Nabukel ti Liga nga Anti-Imperialista idia U.S. Indauluan daytoy dagiti mabigbigbig a personahe a kas kenni Mark Twain ken William Jennings Bryan. Ni Twain ket maysa a nalatak a nobelista iti sangalubongan. Kinastigo mismo ni Twain ti panangmasaker dagiti tropa ti U.S. iti 600 Moro, ubbing ken lallakay, iti Bud-dajo, Jolo idi 1906.

Nagtultuloy ti imperialista a kinaulpit uray idi malpasen ti Gubat a Pilipino-Amerikano iti 1899-1901. Inaramidda dagiti manangkuspil a linteg. Kas ti Flag Law, a nangiparit iti

panangidisplay iti bandera ti Katipunan ken ti Republika ti Pilipinas. Ken ti Brigandage Act of 1902, a nangideklara kadagiti rebolusionario a Pilipino a kas bandido a rumbeng a bitayen.

Karaman iti adu a krimenda kontra iti umili ti panangbitayda kadagiti naisangsangayan a rebolusionario a Pilipino. Kas kada Heneral Macario Sakay ken Col. Lucio de Vega.

#### IMPERIALISTA NGA INTERES

Kalpasan ti nadara a panangsakop iti Pilipinas, inkasa a sigud ti U.S ti sumaruno nga addangna.

Rinugianna a gamgamen ti nainsigudan a kinabaknang ken pigsa't panagtrabaho ti pagilian. Kalalatakan ditoy ti panagkali ken panagbunagna iti agbalor ti biliones a doliar a balitok iti kabanbantayan ti Amianan a Luzon.

Manipud 1899 inggana't 1932, dimmanon iti \$48 milyon ti balor ti balitok a nagamgam dagiti imperialista (Globalizing Philippine Mining). Kadaytoy pay laeng, nasurok doblen ti naibayad iti U.S. manipud iti "inggangna" a \$20 milyon iti Pilipinas iti Tratado ti Paris. Saan laeng a balitok ti interes ti imperialismo a U.S. iti pagilian. Pinagbalinna a kolonia ti Pilipinas tapno mapagserbi daytoy iti imperialista nga interes. Pagbunagan iti naata a materiales. Pangpespesan iti nalaka a pigsa't panagtrabaho. Pagigumpuan iti sobra a kapital ken sobra a

**Ti Pilipinas ti kaunaan a nagbalin a kolonia ti U.S. Pinespesna nga husto ti kinabaknang ken pigsa't panagtrabaho daytoy ken nagganansia iti nakadakkkel.**



**Awan pulos nasayaat a linaon ti VFA. Kayatna a pagbalinen a higante a base militar ti U.S. ti sibubukel a Pilipinas. Palubosanna met dagiti pueras ti U.S. a nawaya ken awan lappedna a sumrek-rumuar iti pagilian, agiserrek-agiruar iti aniaman a klase ti armas, transportasion a pakigubat ken dadduma pay a ramit militar, agiwaras dagiti tropa a U.S. kadagiti makadadael a bisio a kas iti droga, mangallukoy iti prostitusion, agibasura kadagiti makasabidong a kemikal, ken dadduma pay.**

produktona iti nangina a presio.

Kasilpo pay ti interes ti U.S. ti gandatna nga isaruno a sakupen ti pagilian a Tsina. Nabakbaknang nga amang, nalawlaw ti teritorio ken dakdakkel ti populasion ti Tsina ngem ti Pilipinas. Targetna a pagbalinen a base militar ti Pilipinas tapno magaw-atna ti Tsina.

Ti Pilipinas ti kaunaan a nagbalin a kolonia ti U.S. Pinespesna nga husto ti kinabaknang ken pigsat panagtrabaho daytoy ken nagganansia iti nakadakkkel.

Kalpasan ti Maikadua nga Imperialista a Gubat iti Lubong idi 1945, naginkukuna ti U.S. a mangted iti "wayawaya" iti pagilian. Ngamin, napresyur daytoy iti napigsa a tignayan dagiti umili a

Pilipino ken iti sangalubongan para iti nailian a panagwaywayas ken sosyalismo.

Ngem iti kabuklanna, nagtalinaed ti kontrol ti U.S. iti ekonomia, pulitika, militar ken kultura ti Pilipinas. Nagtultuloy ken kimmario pay ti imperialista a

pananggundaway, panangikuspil, ranggas ken panangallilaw.

TI ISYU TI V.F.A.

Idi 1991, napapanaw dagiti pueras militar ti imperialismo a U.S. iti pagilian.

Kangrunaan a makaigapu daytoy ti napigsa nga anti-base militar ken anti-imperialista a pannakidangadang ti nalawa a masa. Ti Partido Komunista ti Pilipinas ken ti idadauluanna nga armado a rebolusionario a tignayan ti daulo ken bugas iti daytoy nabileg nga anti-imperialista a dalluyon.

Kalpasan ti mano a tawen, partikular kadaytoy 1998, panggep manen ti U.S. nga isubli dagiti pueras militarna. Us-usaren ti imperialismo ken dagiti aso-asona ti Visiting Forces Agreement (VFA) tapno maipatungpal daytoy a



gandat.

Awan pulos nasayaat a linaon ti VFA. Kayatna a pagbalinen a higante a base militar ti U.S. ti sibubukel a Pilipinas. Palubosanna met dagiti puersa ti U.S. a nawaya ken awan lappedna a sumrek-rumuar iti pagilian, agiserrek-agiruar iti aniaman a klase ti armas, transportasion a pakigubat ken dadduma pay a ramit militar, agiwaras dagiti tropa a U.S. kadagiti makadadael a bisio a kas iti droga, mangallukoy iti prostitusion, agibasura kadagiti makasabidong a kemikal, ken dadduma pay.

Ikabkabil pay ti VFA ti pagilian iti dakkel a peggad. Ngamin, agserserbi dagiti puersa a pakigubat ken pangsakop ti U.S. nga adda ditoy a kas target ti atake, karaman ti atake a nuklear, manipud kadagiti kalaban a pagilian ti U.S. Uray saantayo a kalaban basta la ketdi kalaban ti U.S., agbalintayo metten a kalaban.


Kinagpaysoanna, pinadakkel laeng dagiti propagandista ken opisial dagiti reaksionario a gobierno ti U.S. ken Pilipinas ti naglabas a napudot nga isyu iti Spratlys. Tapno iti kasta ket adda rason tapno iratipika ti reaksionario a Senado ti VFA.

Dakkel kano ti peggad a gubaten ti Tsina ti Pilipinas

gapu iti Spratlys. Isu a masapul kano ti kaadda dagiti puersa militar ti U.S. ditoy. Tapno adda mangsalaknib kadatayo. Nalawag kadagiti umili ti kinaulbod daytoy a propaganda ti rehimen U.S.- Estrada.

#### 100 A TAWEN TI PANAGLABAN

Adda kasumbangir a rupa ti panangsakop ti imperialismo a



U.S. iti pagilian. Ti imperialista a pananggundaway ken panangikuspil ket adda kagiddanna nga anti-imperialista a panaglaban ti umili.

Iti naglabas a 100 a tawen, adun ti naibukbok a dara ken naidaton a biag iti anti-imperialista a dangadang. Adu metten a balligi ken dadakkel metten a panagabante ti

nagun-od ti umili a Pilipino.

Imperialismo ti rumimrimbaw a bileg iti sangalubongan ita. Dagiti imperialista ken aso-asoda ti kangrunaan a kabusor dagiti umili iti lubong. Ti imperialismo a U.S. ti agdama a numero uno a pagilian nga imperialista. Isu a nagbalinen a nakapatpateg ti lugar ti dangadangtayo kontra iti U.S.

Saan laeng nga para iti interestayo ti pannakarebbek ti imperialismo a U.S. iti Pilipinas. Interes met daytoy dagiti umili iti dadduma pay a pagilian iti intero a lubong a gungundawayan met ti imperialismo.

Iti agdama, ti rebolusion Pilipino ti maysa kadagiti kapipigsaan a mangipapaay iti napipigsa a danog iti imperialismo. Daydayawen ken pagyamanan dagiti umili ti lubong dagiti napapateg a kontribusion ti rebolusiyontayo kontra iti imperialismo.

Ti pangngeddeng dagiti rebolusionario a Pilipino a labanan ti imperialismo a U.S. inggana't balligi ket naraniag a silaw a manglawlawag iti dalan dagiti umili ti lubong para iti nailian a wayawaya, demokrasiya ken sosyalismo.#

**LOKAL**

## NAILIAN

# PAL: PANANGGUNDAWAY KEN PANAGLABAN

Atiwna pay ti maysa a “block-buster” a pelikula. Kitaen laengen dagiti bida ken kontrabida: dagiti militante nga unionista a mangmangged ken piloto iti kompania ti eroplano. Joseph Estrada, presidente ti Gobierno ti Republika ti Pilipinas. Lucio Tan, sigud a kroni ni Marcos ken kroni manen ni Estrada. Felimon “Popoy” Lagman, “dilawan” a lider obrero. Ken rinibo pay nga “ekstra.”

Itay 1998, nakaala manen iti sangapagilian nga atension ti Philippine Airlines (PAL). Ngamin ket bintak ditoy ti nairteng a risiris dagiti dasig. Iti maysa a bangir ket dagiti militante nga agtrabtrabaho. Iti sabali a bangir ket dagiti burukrata kapitalista, dakkal a kapital ken aristokrata iti panagubra.

Ania’t pudno a napasamak iti PAL? Ania’t ramut dagiti problema a nagtaud ditoy?

## PRIBATISASION KEN PANANGGUNDAWAY

Maysa kadagiti kadadakkelan a kompania ti transportasion

iti sangapagilian ti PAL. Kauunaan daytoy a kompania ti eroplano iti sibubukel nga Asia. Kas transportasion iti tangatang, nakapatpateg ti akakemen daytoy iti nailian nga ekonomia ken dadduma pay a pangkagimongan nga aktibidad.

Idi 1992, nakontrol ni Lucio Tan ti PAL. Babaen iti 40% a sapi na iti kompania. Sigud daytoy a sanikua ti reaksionario nga estado. Idi 1996, dimmanonen ti sapi na iti 56.73%.

Naaramidna daytoy gapu iti programa a pribatisasion, wenno ti panangilako kadagiti sanikua ken serbisio ti estado. Ken deregulasion, wenno ti panangikkat iti kontrol ti gobierno kadagiti negosio. Indiktat daytoy dagiti imperialista a bangko ken negosio. Ken nairut nga ipatpatungpal ti papet a gobierno.

Iti patakaran a pribatisasion, ipaspasan ti estado ti kontrol ken rebhengenna kadagiti pribado a kapitalista. Konkontrolenen dagiti dadakkal a kapitalista uray dagiti industriya nga estratehiko

ti papelna iti nailian nga ekonomia. Kas ti transportasion iti tangatang ken tren, komunikasion, danum ken elektrisidad.

Nawaya dagiti dadakkal a kapitalista a mangaramid amin a kayatda kadagiti industriya a makontrola. Uray no nakarkaro a parigat ken pannakagundaway dagiti masa ti kaipapananna. Uray no krisis ngaw awan patinggana ti iyanakna. Maitandudoda laeng ti kangangatoan nga interes ti kapital ken pribado a sanikua.

Nakontrol ni Tan ti PAL uray no bassit laeng ti inusarna a bukod a puonan. Kinagpaysoanna, naggapu kadagiti ganggannaet a kapitalista, lokal a bangko ken institusion a pangpinansia ti gobierno ti dakdakkal a puonanna.

Apaman a nakontrol ni Tan ti PAL, pinespesanna daytoy iti ganansia babaen kadagiti nadumaduma a kontra-mangmangged a patakaran. Kas ti panagikkat iti adu a bilang ti empleado babaen ti

puersado a panagpalusulos, kontraktualisasion, panangisina kadagiti nadumaduma a dibision manipud iti kontrol ti PAL, ken dadduma pay.

Inaramidna pay dagiti pamuspusan tapno makakurakot ken makasuitik iti superganansia. Iti pananggatang laengen iti 36 a kabaroanan a klase ti eroplano (jet), tantia a dimmanon iti P4 bilion ti nasuitikna a kas komision.

Iti lima a bulan laeng idi 1997, nakaibulsa ni Tan iti P3.93 bilion manipud iti abang kadagiti agpampammarang a korporasionna. Ab-abanganna dagitoy para kadagiti serbisio iti nadumaduma a kasapulan ti PAL.

Nakaibulsa manen iti P4.5 bilion manipud kadagiti komision iti panagilako ti tiket, ken dadduma pay. Sabali pay ti P30 milyon manipud iti panangiyakar kadagiti sanikua ti PAL a dagdaga ken pasdek. Namaksimisana pay ti PAL babaen iti panangusar dagiti dadduma pay a kompaniana a kas ti Fortune Tobacco ken Asia Brewery kadagiti opisina ken eroplano daytoy.

Saan ngarud a nakaskasdaaw a manipud idi 1994, bayat a dumakdakkal ti ak-akopen ni Tan a superganansia, napukawan met ti PAL iti P14.8 bilion.

Nailumlom met daytoy iti utang, a dimmanonen iti P90 bilion.

### **PANAGUBRA BERSUS KAPITAL**

Nabayagen a magungundawan dagiti mangmangged ken empleado ti PAL. Kanayonda a maab-abakan kadagiti iskema ti panangpespes ti dakkel a ganansia dagiti akinkontrol iti kompania ti eroplano.

Adda tallo nga union iti PAL. Ti Airline Pilots' Association of the Philippines (ALPAP). Ti Flight Attendants ken Stewards Association of the Philippines (FASAP). Ken ti Philippine Airlines Employees Association (PALEA).

Kas gagangay iti kapitalista, nalaing nga agpambar ni Tan no ti pagtutungtongan ket pagsayaatan dagiti mangmanggedna. Maab-abakan kano ti PAL. Isu nga awan koma pay ti baro a katulagan iti baet ti maneydsment ken union (Collective Bargaining Agreement — CBA). Saan koma pay nga ingato ti sueldo.

Ngem gapu iti panangirupir ken militansia, naiduron ti PALEA ti maneydsment a sumrek iti negosasion. Idi 1996, ginunggon

ti PAL ti maysa a nabileg a welga. Indauluan daytoy ti PALEA. Nagballigi dagiti welgista ken nagun-odda ti multimilion a benepisio.

Pebrero 1998. Inyanunsio ni Tan ti planona nga ikkaten ti 40% ( 5,600 a tao) ti kabuklan nga empleyado ti PAL. Kalpasan ti anunsio, insigidana nga sinisante ti 105 nga empleado.

Plano met ni Tan a “pagretiroen” amin a piloto a 20 a tawenen iti serbisio. Sinupiat ti ALPAP daytoy. Nagwelga dagiti piloto idi Hunio 5, 1998. Inrupirda ti proteksion ti trabahoda ken dagiti isyu a pangseguridad.

Atake ti kapital ti insungbat ni Tan. Idi Hunio 6, sinungbatanna ti welga babaen iti panangikkat kadagiti 29 nga opisiales ti ALPAP iti trabaho. Saan pay a napnek, idi Hunio 7 ket inikkatna ti amin nga 600 a piloto.

Kalpasan ti nasurok makalawas, insarunona dagiti mangmangged ken empleado. Idi Hunio 15, 5,000 da amin a tinermineytna iti trabaho.

Kimmontra-

**Nabayagen a magungundawan dagiti mangmangged ken empleado ti PAL. Kanayonda a maab-abakan kadagiti iskema ti panangpespes ti dakkel a ganansia dagiti akinkontrol iti kompania ti eroplano.**

atake dagiti agtrabtrabaho. Bimtak ti napigsa a welga idi Hulio 22. Indauluan daytoy ti PALEA. Kinasoan met ti FASAP ti maneydsment iti reaksionario a National Labor Relations Commission (NLRC). "Illegal dismissal" ti inkasona.

### **OPORTUNISTA A LIDER OBRERO KEN MAKA-KAPITALISTA A GOBIERNO**

Ngem saan a naan-anay ti kamulatan ken pigsa dagiti agtrabtrabaho. Inyaw-awan ida dagiti "dilawan" ken oportunista a lider obrero. Kas kenni Felimon "Popoy" Lagman, nga ispesial nga eskirol ni Lucio Tan ken ti gobierno.

Idi Hulio 26, immannamong dagiti lider ti PALEA a maikkat ti 1,800 a mangmangged. Nakapauneg ti PALEA iti pederasion a Bukluran ng Manggagawang Pilipino nga idadauluan ni Lagman.

Babaen kadagiti oportunista a lider a kas kenni Lagman, nagballigi ti maneydsment a "gatangen" ti liderato dagiti agtrabtrabaho. Nakabukel ngarud iti kontra-mangmangged a katulagan. Kasukat ti sangkabassit a benepisio, insuko dagiti basaran a karbengan dagiti agtrabtrabaho a kas ti Collective Bargaining Agreement, panagwelga ken panangngato ti sueldo.

Dakkel met ti intulong ti rehimen Estrada kenni Lucio

Tan. Kinagat ken impasaknapna ti pambar ni Tan a maab-abakan ti PAL isu a saan a nainkalintegan ti agwelga. Tinulunganna ti PAL iti kasapulan a pangpinansia. Timmulong pay a manglokloko kadagiti lider dagiti welgista.

Iti laksid daytoy, dakkel a bilang dagiti agtrabtrabaho ti nagkedked a paallilaw iti maneydsment, kadagiti oportunista a lider obrero ken iti rehimen Estrada.

Natibker ti pangngeddengda nga ituloy ti labanda. Nagpatulongda iti ligal a sentro ti panagubra a mangitantandudo iti pudno ken militante nga unionismo.

### **RAMUT TI PROBLEMA**

Ania't talaga a ramut dagiti problema iti PAL? Awan sabali no di ti imperialista a patakaran nga ipatpatungpal ti reaksionario a gobierno. Kas ti pribatisasion, deregulasion ken liberalisasion.

Isursuro ti kapadasan iti PAL, awan sabalin a pagsanggiran dagiti agtrabtrabaho no di ti bukodda a pigsa ken

**Isursuro ti kapadasan iti PAL, awan sabalin a pagsanggiran dagiti agtrabtrabaho no di ti bukodda a pigsa ken kolektiboda a panagtignay. Kapada met laeng ni Tan ti gobierno ni Estrada ken dagiti oportunista a lider mangmangged: awan manamnama a tulong manipud kadakuada; ti laeng maitedda ket panangallilaw ken panangikuspil.**

kolektiboda a panagtignay. Kapada met laeng ni Tan ti gobierno ni Estrada ken dagiti oportunista a lider mangmangged: awan manamnama a tulong manipud kadakuada; ti laeng maitedda ket panangallilaw ken panangikuspil.

Addadan nagun-od a balligi dagiti militante nga agtrabtrabaho iti PAL. Ngem dadakkel ken narigat pay a problema ti

sangsanguenda. Nupay kasta, insuro mismo ti bukodda a kapadasan nga awan sabali a dalan iti balligi no di ti dalan ti dangadang.#



# Heneral, 3 pay nga Opisial, Inaresto ti NPA

Nakadarum: Brigadyer Heneral Victor Obillo, kumander ti 55<sup>th</sup> Engineering Brigade ti Philippine Army; ken Kapitan Eduardo Montealto, opisial iti lohistika ti 55<sup>th</sup> Engineering Brigade. Kaso: espionahe. Nagdarum: Merardo Arce Command ti New People's Army ken dagiti rebolusionario nga umili iti Mindanao.

Nakadarum: Chief Inspector Roberto Bernal, hepe ti Philippine National Police iti Quezon City. Kaso: espionahe. Nagdarum: NPA Bicol Regional Command ti NPA ken dagiti rebolusionario nga umili iti Sorsogon.

Nakadarum: Sarhento Alipio Lozada. Nagdarum: rebolusionario a tignayan ken umili iti Surigao del Sur.

Kasasaad dagiti akusado: agdamada a Balud ti Gubat ti rebolusionario a gobierno ti umili. Madama pay laeng a sangsanguen ti Pangukuman ti Umili dagiti kasoda.

## **PANGUKUMAN TI**

## **UMILI**

Kinuna ni Luis Jalandoni, maysa a lider ti National Democratic Front of the Philippines (NDFP): dagiti Balud ti Gubat (Prisoners of War wenno POW) ket “nakapauneg iti ligal ken hudisial a proseso ti demokratiko a gobierno ti umili.” Kunana pay a no mapaneknekan a nagbasolda a kas espia, “saandan a makonkonsidera a saklaw dagiti prinsipio ken instrumento ti internasional a makatao a linteg.”

Iti maysa pay nga interbiu, innayon ni Jalandoni a mabalin met nga itantan ti Pangukuman ti Umili iti panangdengngeg iti kaso dagiti akusado ken mawayawayaanda iti basaran a makatao.

Iti pagannurotan ti Pangukuman ti Umili, dagiti nakakaro a kaso a kas ti espionahe ket kamatayan ti katukad a dusana.

Ni Heneral Obillo ken Kapitan Montealto ket inaresto ti maysa a platun gerilia ti NPA idiy Brgy. Carmen, Davao City

idi Pebrero 17. Ni met Inspektor Bernal ket inaresto ti maysa nga SYP ti NPA idiy Brgy. San Juan, Bacon, Sorsogon idi Pebrero 21. Naaresto met ni Sarhento Lozada idiy Surigao del Sur idi umuna a lawas ti Marso.

Umad-adu manen dagiti Balud ti Gubat ti NPA, kagiddan ti panagsaknap manen dagiti taktikal nga opensiba. Sipud idi 1996 [?], adda markado a panagirteng ti pannakigubat a gerilia a nakabasar iti panaglawa ken panaguneg manen ti base a masa ti rebolusion.

## **ERAP—KONTRABIDA ITI NEGOSASION A PANGKAPIA**

Ti kayat ti NDFP, pagtutungtongan iti lamisaan ti negosasion a pangkapia ti saritaan kanaig dagiti Balud ti Gubat. Irekrekomendana ti pannakaadda iti koordinasion ti NPA ken AFP kanaig iti kaligtasan ken naurnos a pannakaiproseso dagiti Balud ti Gubat.

Irekrekomendana pay a mabalin a wayawayaan dagiti

balud ti NPA kasukat ti pannakawaywaya met dagiti balud a rebolusionario ti rehimen U.S.-Estrada.

Iruprupirna met a rumbeng laeng a maipauneg dagitoy a kaso iti balaba dagiti siguden a napagtulagan ken napirmaan iti baet ti NDFP ken GRP. Kas ti Komprehensibo a Katulagan panggep iti Pangtao a Karbengan ken Internasional a Makatao a Linteg.

Ngem saan pulos a kayat ti rehimen U.S.-Estrada dagitoy a rekomendasion. Imbes a sungbatanna iti positibo, sinuspindina ti tungtongan a pangkapia. Iti daytoy nga inaksionna, imbulgarna laeng ti saan a kinapudnona a gun-oden ti pudno a kapia. Impakitana pay ti kinaawan panangisakitna iti seguridad ken biag uray pay dagiti nangangato nga opisial dagiti soldadona.

Impatangken ti rehimen ti pannakasuspindi ti negosasion iti laksid ti nalawa sa singasing ti pannakaituloy daytoy idiay Davao City, Kidapawan City ken Davao del Sur, nairussuat dagiti martsa ken rali a mangkidkiddaw iti pannakaituloy ti negosasion.

Inramramanna pay dagiti 50 a detenido a politikal a rumbeng koman a mawayawayaan gapu iti kaawanen ti legal a basaran ti pannakabaludda. Linappedanna ti pannakawayawayada. Pinagrasonna ti napasamak

kadagiti naaresto nga opisial ti AFP.

Ti ketdi inaramidna, inggaborna ti uppat a batalion nga agdagup iti 2,000 a tropa idiay Cotabato ken Davao City tapno operasionen ti platun gerilia ti NPA a nangtiliw kada Obillo ken Montealto. Kas ekspektaren, nasaknap a terorismo kadagiti masa ti inaramid dagiti pasista.

### **IYABANTE TI GUBAT TI UMILI, ITANDUDO TI GOBIERNO TI UMILI**

Pampaneknekan ti panagadu manen dagiti Balud ti Gubat saan laeng a ti panagirteng ti pannakigubat a gerilia ti NPA. Lallalo pay, ti kaadda ti dua a bileg pangpulitika iti pagilian a nakaro nga agrinrinnisiris. Ti maysa a bileg ket ti reaksionario a Gobierno ti Republika ti Pilipinas (GRP). Ti maysa pay ket ti rebolusionario a gobierno ti umili nga ibagbagi ti NDFP.

Ammo ti NDFP a nakabasbassit ti posibilidad a mabalin a magun-od iti negosasion a pangkapia. Ngem padpadasenna latta ti makikatungtong. Kagiddanna ket irusrussuatna ti armado a dangadang ken militante a tignayan masa kas kangrunaan a pamuspusan tapno balbaliwan ti gimong.

Awan mapukaw iti NDFP iti pannakikapatangna iti suitik a rehimen U.S.- Estrada. Dakkel pay ketdi ti magun-odna iti pulitika. Gapu ta babaen iti negosasion, naparpartak a maibulgar ti kontrarebolusionario ken

kontra-umli a galad ti GRP. Ken naparpartak a maawatan ti ad-adu a bilang ti umili nga awan sabali a makaidaulo kadakuada para iti wayawaya no di ti rebolusionario a tignayan. Nga awan sabali a pamuspusan no di gubat iti umili.

Kinagpaysona, ti panagirteng manen dagiti taktikal nga opensiba ket pammaneknek iti kinahusto ti linia ti baro-demokratiko a rebolusion babaen iti pangmabayagan a gubat ti umili. Ken mangipakpakita iti agtultuloy a panaglawe ken panaguneg ti base a masa ti rebolusion. Agbungbunga daytoy iti panagpigsa dagiti organo ti bileg pangpulitika dagiti umili kadagiti rinibo a bario ken munisipalidad iti sangapagilian.#

internasional

# TERORISTA A U.S., NAGHURAMENTADO MANEN

Iti apagdarikmat, rimmangrang ken gimmil-ayab a kasla impierno ti adu a lugar iti pagilian nga Iraq. Iti sipnget ti rabii, limmawag ti tangatang gapu kadagiti nauram ken narebba nga adu a pasdek ken balbalay, transportasion ken dadduma pay a sanikua.

Dakkel a bilang dagiti umili nga Iraqi ti natay, nauram ti nadumaduma a paset ti bagi ken nasugatan. Ngem ti kadadakkelan amin a biktima ket ti soberenia ti maysa a bassit a pagilian a ginandat manen nga ilupeklupek ti maysa a higante a terorista a pagilian.

Kastoy ti resulta ti nasurok 200 a Tomahawk misayl nga intupak dagiti bombardero a B-52 ken impugso dagiti barko a pakigubat ti imperialismo nga Estados Unidos (U.S.) idiay Iraq. Nangrugi ti panagdarup idi Disiembre 17. Umuna a paset daytoy ti operasion dagiti puersa ti U.S. ken Britain nga maaw-awagan a "Desert Fox."

## SINNO'T PUDNO A MATON?

"Maton iti Baghdad." "Peggad iti seguridad." "Terorista." Dagitoy dagiti ipabpabasol ti imperialismo nga U.S. kenni Saddam Hussein, ti agdama a daulo ti pagilian nga Iraq.

Palpalataken pay dagiti imperialista ti panagkedked kano ni Saddam a painspeksion dagiti armasna a pakigubat kas rason iti panangbomba-bombada iti Iraq.

Maysa a pagilian iti rehion iti Middle East ti Iraq. Nabaknang daytoy iti langis. Sipud pay idi agturay ti Baath Party, ti partido ni Saddam, rimmingbaw ti turungen a panagwaywayas ti pagilian ken panagkedked a pakontrol iti imperialismo. Nabayagen a panggep dagiti imperialista nga isubli ti Iraq a kas natudyo a malakoloniada. Iti kasta, agganansiada manen iti dakkel iti kinabaknangna iti langis.

Idi Enero-Pebrero 1991, babaen iti payong ti maka-imperialista a United Nations ket inrusuat ti U.S. ken dadduma pay nga imperialista a pagilian ken malakoloniada ti gubat kontra iti Iraq. Pinagrasonda ti isyu ti panangsakop ti Iraq iti pagilian a Kuwait tapno sakopen ti Iraq ken imasaker iti rinibo nga umili nga Iraqi.

Naabak ti Iraq iti nasao a gubat iti sango ti panagkokomplot dagiti dadakkel ken nabibileg a kalabanna a pagilian. Ginundawayan ti U.S. daytoy tapno ipresyur ti Iraq a

mangted kadagiti konsesion ken mabaldado ti kabaelanna a militar. Nagganansia met ti U.S. babaen iti panagilakona kadagiti armas ken panagsingir iti "kontribusion iti gubat" kadagiti kaaliadona a nanggubat iti Iraq.

Paulit-ulit a pinagrason ti U.S. ti panagkedked kano ti Iraq a painspeksion dagiti armasna ken agkessay iti kabaelanna a militar tapno bomba-bombaen ti naud-udi.

Kas agwaywayas a pagilian, karbengan ti Iraq nga agkedked a "painspeksion" ken papresyur kadagiti saritaan kanaig iti seguridad. Awan pulos karbengan ti siasinnoman a makibiang iti pang-uneg a saritaan ti maysa a pagilian.

Lallalo pay nga awan karbengan ti U.S., nga adda atiddog a pakasaritaanna iti terorismo ken panaginmamaton iti sangalubongan. Idi Agosto laeng, binomba-bombana manen dagiti pagilian a Sudan ken Afghanistan. Saan a "pulis iti lubong." No di ket "maton iti lubong." Kastoy ti kaunggan ti ar-aramiden ti U.S. nga awan sardayna nga agresion iti nadumaduma a pagilian.

## **PANAGLABAN ITI MIDDLE EAST PRENTE**

Saan laeng nga dagiti umili nga Iraqi. Iti adu a pagilian iti Middle East ket napigsa ti anti-imperialista a sentimiento ken panaglaban dagiti umili. Kas dagiti umili a Palestino, Iranian, Sudanes ken Afghan. Iruprupirda ti nailian a panagwaywayas ken panangikeddeng iti bukodda a sistema ti estado ken gimong.

Nauneg ti anti-imperialista a sentimiento iti rehion, sipud pay idi panawen ti dominasion ti imperialismo a Britain a nagpatingga idi Maikadua a Gubat iti Lubong. Agingga idi simmukat idi apagleppas ti Gubat ti imperialismo a US. Ti anti-imperialista a panaglaban iti Iraq ket paset ti anti-imperialista a prente iti Middle East ken sangalubongan.

Tapno ikuspil ti anti-imperialista a panaglaban, us-usaren ti U.S. ti zionismo nga Israeli a kas “pangdarup nga aso”na iti Middle East. Kakomplotna met dagiti piudal nga ari ken dadduma pay nga agar-ari a dasig. Kayatna a mapagtalinaed ti sibubukel a Middle East a kas mayor a paset ti sangalubongan a sistema ti imperialismo. Istratehiko ti rehion para iti imperialista nga interes gapu iti kinabaknang daytoy iti langis.

Paset ti nalawa nga anti-imperialista a pannakidangadang iti sangalubongan ti pannakikidangadang ti umili nga Iraqi. Internasiunalista a rebbengentayo a pagkaykaysaen ti kalalawaan a puersa nga anti-imperialista tapno mapapigsa ti pannakidangadang kontra iti imperialismo. Makatinnulong dagiti kaaaduan a puersa para iti maymaysa a panggep. Ken maisina ken marebbek dagiti imperialista ken aso-asoda.

Dakkel a tulong daytoy para iti bukodtayo a pannakidangadang kontra iti imperialismo ken para iti sosialismo.#

## **ANTI-IMPERIALISTA A**

for EB editing  
DAMDAMAG/Jan-Mar. 1999  
issue

KINAREGTA TI  
PROLETARIO NGA  
INTERNASIONALISMO,

PINANЕКNEKAN ITI  
MAIKA-30 TAWEN TI PKP

Saan laeng nga dagiti rebolusionario a proletariado ken umili a Pilipino. No di pati dagiti rebolusionario a proletariado ken umili iti sangalubongan. Aminda ket saan a marukod ti ragsakna iti panangrambak iti maika-30 anibersario ti Partido Komunista ti Pilipinas (PKP).

Manipud kadagiti rebolusionario a mangmangged kadagiti imperialista a pagilian nga Estados Unidos (U.S), Germany ken Japan. Inggana kadagiti gerilia kadagiti atrasado a pagilian a Nepal ken Iran. Impadanonda ti panagdayawda iti PKP, ti maysa kadagiti kababayagan, katitibkeran ken kapipigsaan a proletario rebolusionario a partido iti agdama.

Sakbay ken kalpasan ti anibersario ti PKP itay napan a Disiembre 26, nakaawat ti Komite Sentral ti Partido kadagiti mensahe ti pannakipagkaykaysa ken kablaaw. Naggapu dagitoy iti nasurok 80 a Partido ken organisasion a Marxista-Leninista.

Iladladawan dagiti mensahe ti panagdayaw ken panangbigbig iti PKP dagiti rebolusionario partido ken tignayan. Gapu daytoy iti pursigido a panangsuot ti PKP iti Marxismo-Leninismo-Maoismo (MLM). Ti panangiyabantena iti demokratiko a rebolusion ti umili babaen ti pangmabayagan a gubat ti umili. Lallalo iti sango ti kumarkaro a krisis ti sangalubongan a kapitalismo.

Ipakpakita met dagiti mensahe ti agtultuloy a panaglawa ken panagabante ti internasional a tignayan kontra iti imperialismo ken para iti sosialismo.

Positibo a resulta daytoy ti napasamak a panagre-grupo ti internasional a tignayan a komunista ken anti-imperialista sipud idi narebba dagiti rebisionista a partido ken estado manipud 1989 agpangato.

Babaen iti tarabay ti MLM ken proletario nga internasionalismo, itultuloy ti PKP a palawaen ti silpona iti nadumaduma a proletario rebolusionario a partido. Daytoy a kooperasion ket iti babaen ti balabala ti panangitandudo iti MLM, ken iti proletario a linia kontra iti imperialismo, rebisionismo ken amin a tipo ti reaksion.

Mangirusruusuat ken agparpartisipar ti PKP kadagiti internasional a kumperensia. Kadagitoy a pagtutungtongan dagiti napapateg a saritaan iti

ideolohia ken pulitika. Aktibo daytoy a lumalaok iti panangpatibkeran iti anti-imperialista a panagkaykaysa dagiti umili iti sangalubongan.#



# AGBIAG TI PROLETARIO NGA INTERNASIONALISMO

Daytoy ti saan pay a kumpleto a listaan dagiti rebolusionario a partido ken organisasion a nangipatulod kadagiti mensaheda:

■Partido De La Liberacion (PL) de Argentina ■Communist Party of Australia (ML)■Marxist Workers' Party (Australia) ■Initiative of Marxists-Leninists (Austria)■ Revolutionary United Front of Bangladesh ■Bangladesher Samyabadi Dal (ML) ■Socialist Party of Bangladesh ■Workers' Party of Bangladesh ■Mouvement Des Communistes En Belgique ■ Workers' Party of Belgium ■ Communist Party of Bohemia and Moravia ■Brazilian Communist Party - PCB ■New Communist Party of Britain ■ Communist Party of Canada (Marxist-Leninist) ■Northstar COMPASS ■Socialist Action Group Canada ■Ceylon Communist Party (Maoist)■Comunista Chileno (Accion Proletaria)■ Progressive Party of Working People (Cyprus) ■Communist Party of Denmark Marxist-Leninist ■Communist Worker's Party, Finland■Marxist - Leninist Party of Germany (MLPD)■Deutsch - Philippinische Freunde (Germany)■A/Synechia (Revolutionary Marxist Organization - Greece) ■Communist Party of Greece (Marxist-Leninist)■Communist Party of India - Marxist-Leninist (People's War) ■Communist Party of India - Marxist-Leninist (Red Flag - Janashakti)■Maoist Communist Centre (India)■Socialist Unity Centre of India ■Indonesian Organization for People's Solidarity■Iranian People's Fedayee Guerillas■Union of the Communists of Iran ■International Leninist Current (ILC) - Italy ■Lotta Per La Pace E Il Socialismo (Forum of the Communists - Italy)■Red Worker - Italy ■Italian Marxist-Leninists ■Communist Party of Ja-

pan-Left■Japan Communist League■Japan Communist League (Senki) ■Workers' Socialist League (Japan)■General Federation of Nepalese Trade Unions (GEFONT) ■Communist Party of Nepal (United Marxist-Leninist)■1 Mei Komitee - (Amsterdam, Netherlands)■Nieuwe Communistische Partij - Netherlands ■Communist Party of Aotearoa (New Zealand)■Workers' Party of New Zealand■Union of Polish Communists - Proletariat■Uniao Democratica Popular (Portugal)■Workers and Peasants' Russian Party ■National Democratic Front of South Korea (NDFSK)■Partido Comunista de Espana ■Partido Comunista Revolucionario (Espana) ■ Communist Party of Sudan ■Communist Party of Sweden (KPML-R)■DHKC Front Revolutionnare De Liberation Du Peuple - Turkey■Communist Party of Turkey - Marxist Leninist■Bolshevik Party (Kuzu Kurdistan - Turkiye)■Partido Comunista Revolucionario Del Uruguay ■Ghetto Liberation Party (GLP) - USA ■Maoist Internationalist Movement - USA ■Revolutionary Communist Party, USA ■Workers World Party - USA■Working People's News (USA) ■Communist Party of the Valencian Country (PCPV)





Yaw nga mabibbig ay nebalittag ta Ibanag nga Rebolusyonaryong Gabay sa Reporma sa Lupa na sinulat ni Amado Guerrero (1977). Meka-appa ngana yaw ta serye.

## MEKA-ANNAM NGA PARTE

### MAPPIA NGA KONDISION TA PATTRABAHO ANNA PATTOLAY NA MAKITADDANG NGA KUSECHERO TA KAPITALISTA NGA PAKKUSECHAN

Seksion 1. Ta ngamin nga pakkusechan nga matangngal ta sistema nga, meyawa ngamin y suporta ta panangitaddag tu unyon na danuri makitaddang anna panangiyosa na makitaddang (onu makisuerdo)nga kusechero anna karuan paga nga makitaddang ira ta demokratiko nga katunungan (karapatan) da. Meyawa ngamin y suporta gapa ta pangigiit na unyon ira nga mapakasta y kondision ta pattrabaho anna pattolay anna mala y karuan nga benepisio. Egga y pakawayya na union ira nga makannammuadda y kurug nga kuenta na kumpania tapenu egga y masikan nga batayan da ta paggigiit nga mapappia y kundision ta pattarabahu anna pattolay, anna mala y karua nga benepisio.

Seksion 2. Y kaya na kagian na mappia nga kundision ta pattrabahu anna pattolayan anna pangala tu karuan nga benepisio ay:

- ari nga basta-basta nga malattu ta trabahu y sinnilaman,
- makatunung nga minimum nga sueldo,
- mas atannang nga sueldo para ta overtaym anna trabaho nga mas peligroso
- mebase ta pag-grado-grado ta sueldo ta kappianan ana bayag ta serbisio,
- mapia nga pasilidad ta pattrabaho,
- mapia nga pasilidad ta pabalay,
- meddan tu pribilehiyo nga mabbakasion,
- egga y plano ange ta pension,
- mangitaddag tu tienda ira na kooperatiba nga mallako tu importante nga magatang ta

mas alinno nga presio,

- libre nga serbisio nga medikal anna dental para ta intero nga familia na makisuerdo,
- egga y kompensasion para ta natay ira onu naaksidente,
- libre nga pangitanam, anna karuan paga.

Adde tu awayya na, danuri ira makitaddang nga kusechero ay meddan tu parte nga lote nga meyosa ta pagalegan nga pangapadda tu ammun na makan anna ganansia.

Seksion 3. Gafu ta mala ta masa nga kusechero y makitaddang ira, yammanno danuri y egga ta kategoria na ari nga regular anna ari nga permanente nga makitaddang ta pakkusechan nga kapitalista, didiammoan anna mammadday tu mepangngo nga aksion na pattaraddayan na kusechero y annilaman nga kontrata onu plano nga iyosa na pappatulan (makakkua) na davvun, administrador, katalo, onu kontratista ta pammadday tapenu marrekut ira tu makitaddang nga kusechero ta lokalidad. Immaguran na pattaraddayan na kusechero y pampulitika anna pang-ekonomia nga karapatan na makitaddang nga kusechero ira. Awayya na gapa mammiembro ta union ta pattatrabahuan da.

Seksion 4. Y sinnilaman nga marrekut tu makitaddang nga kusechero ay magamma nga tumukki ta makatunung nga kontrata ira , mappagatu tu atatannang y interesna, pangariananna y sueldo na makitaddang, maddarogo ta kuenta, anna mangwa tu karuan nga forma na pangilloko. Meddan tu pena y sinnilaman nga ari tumuttul taw nga pagbabawal na ito.

Seksion 5. Siguradunna na union na makitaddang nga kusechero nga agrikultural ta pakkusechan nga kapitalista, onu na pattaraddayan na kusechero ta lugar nga

aranni taw ta pakkusechan, nga mabillabillay anna makusecha y napagurayan onu sobra nga parte na asienda nga matangngal ta batayan nga kapitalista. Ta kaso gapa na rancho/pasto ira, y gukug na davvun nga mabattang ay ibabatay ta bilang na ayam.

Seksion 6. Depende ta kongkreto nga kondision, awayya na nga lubos nga makontrol na demokratiko nga gobierno na maguili danuri ira asienda nga matangngal ta sistema nga kapitalista, onu mapagurayan y makakkua nga tuluy-tuloy nga matammi anna tangngallan danuri ira asienda, nga matuttul ta meggo nga kundision, kagitta na pammakappia ta kundision ta patrabaho anna pattolayan na makitaddang ira, anna pappaga ta vugi, nga y dakal nga parte ay kuartu, ta demokratiko a gobierno na maguili.

Seksion 7. Meggo nga pagbabawalan y dakal nga kapitalista nga dayu nga magmay-ari tu maski kapisaso nga davvun nga agrikultural onu meddan tu kontrol taw ta annilaman nga paraan.

Seksion 8. Meddan tu pena danuri ira makakkua, administrador, katalo, onu kontratista ta pamadday, pati y tuta da, nga mangiyosa tu pribado nga guardia nga armado onu tropa na kalaban onu pulis tapenu bantayan danuri ira asienda anna supilin danuri ira makitaddang nga kusechero anna maguili.

Seksion 9. Duttal sangaw y aggaw i-nasionalisa na demokratiko nga gobierno na maguili danuri ira davvun nga agrikultural nga matangngal ta sistema nga kapitalista. Yaw y mabbalin nga orientasion danuri na union anna maguili nga makitaddang.

## MEKAPITU NGA PARTE

### DANURI IRA MARIGA NGA SETLER ANNA DANURI IRA PANGILIAN NGA MINORIA TA FRONTERA IRA

Seksion 1. Ta frontera ira, danuri ira mariga nga setler anna pangilian nga

minoria ay maorganisa bilang pattaraddayan na kusechero tapeno matangngal y kappianadda ngamin, mapaunlad y kooperasion, anna malabanan y panangidano nga fiudal anna malafiudal. Metaddag y pattaradday anna pagiinnalawa na setler ira anna danuri dati nga naggian ta frontera.

Seksion 2. Ta lugar ira nga pattrosoan, kaingin, pappastoan, anna reklamasion nga erya, siguradoanna danuri marigariga nga setler anna pangilian nga minoria nga ira y makakkua ta homestead onu davvun nga kusechanda, anna mala y nono da nga mas pakappiadda paga yaw.

Seksion 3. Danuri ira kusechero nga awan tu davvun da ay meyali ira ta frontera tapenu matabbag y kakurangan na davvun ta tanakuan nga lugar. Kunne na gapa, ari nga mapagurayan y annilaman nga ari panuttul ta karapatan na pangilian nga minoria ira anna danuri dati nga maggigian ta frontera.

Seksion 4. Y demokratiko nga gobierno na maguili, kavulun y pattaraddayan na kusechero, egga y responsibilidadda nga malumamo nga paglutas ta naddaraketan ira megafu ta davvun ira ta frontera.

Seksion 5. Mepagamma nga manafu tu davvun ta frontera danuri ira darakal nga kapitalista, yafu na davvun anna burukrata kumprador. Nu kunnari gafu, meddan tu pena ira anna tuta da nu ariadda tuttulan yaw nga megamma.

Seksion 6. Mabbalin nga kontrolado y paggappo to kayu ira, anna ta pangipattutut taw nga patakaran ay meddan tu alanno nga atension y kappianan na ngamin nga marigariga nga setler anna danuri pangilian nga minoria.

TUMUNUG NGA ISYU  
MEKA-WALU NGA PARTE  
PANGIPATUTTUL TA PROGRAMA

)

